

## **MELDINA UGARAK**

Sve vas selamim i pozdravljam, evo kada su svi i ja ću naravno izraziti zadovoljstvo što smo danas u novoj sali i sve čestitke naravno našem predsjedavajućem Jasminu Duvnjaku i naravno svim članovima Kolegija i svim ostalim zastupnicima koji su podržali ovu inicijativu. Ja želim da uputim jednu inicijativu koju iskreno da vam kažem zadnje dvije godine razmišljam da li da je uputim ili ne, zapravo radi se o svakodnevnici ljudi koji se susreću i koji imaju potrebu da idu u domove zdravlja ili Kantonalnu bolnicu. Dvojna ljekarska praksa ili sistem kada dođete u dom zdravlja pa čekate ispred vrata kada imate trgovačkog putnika bez obzira što ste prije toga rezervisali termin za svoje dijete za jedan obični pregled, stvaraju poprilično veliko nezadovoljstvi u društvu. Povodom toga ja želim da uputim inicijativu prema resornom Ministarstvu zdravstva i ako znam da su na većim nivoima pokušavali da urade ovo u skladu sa Zakonom o radu i naravno po mom mišljenju bez obzira što sam laik u ovoj oblasti mislim da svaka dvojna ljekarska praksa je protivzakonita i trebala bi na neki način krivično da bude i sankcionisana. Inicijativa prema resornom ministru bi bila sljedeća, molim resorno ministarstvo zajedno sa resornim ministrom da izrade propise ili interne akte u skladu sa zakonom koji bi razdvojili dvojnu ljekarsku praksu. Smatram razdvajanjem dvojne ljekarske prakse u radu privatnim i javnom sektoru bi ukinula korupciju u zdravstvu, jer je poprilično rasprostranjena na način da vas ti isti ljekari a i sama sam bila žrtva šalju u private klinike, da li iz ličnih interesa ili nekih drugih u vezi sa ovim željela bih također da dam jednu smjernicu resornom ministarstvu da Zakon o radu Službene novine 26/16 zabrana takmičenja radnika sa poslodavcem član 85 /86, 87 i 88 može poslužiti pri samoj izradi propisa, hvala.